



Inatsisartut

*Aningaasaqarnermut Ataatsimiititaliaq
Finansudvalget*

Ulloq/Dato: 7. juli 2010
J.nr.: 01.31.06/10-00478

Ineqarnermut, Attaveqaaqatigiinnermut Angallanermullu Naalakkersuisoq

Pinngortitaleriffiup umiarsuassaanik nutaamik aningaasaliinerunissaq pillugu qinnuteqaat

Qulaani aningaasaliissuteqarnissamut suliamut atatillugu ataatsimiititaliap apeqqutaanut Naalakkersuisunut ilaasortap akissuteqaataanut 25. juni 2010-imeersumut Aningaasaqarnermut ataatsimiititaliaq qutsateqarpoq (Suliaq nr. 2010-030200).

Akissuteqaammi pissutsit arlaqartut ataatsimiititaliap naammaginangitsutut isigai.

Aningaasaliissuteqarnissamut suliami 10-482-imi Aningaasaqarnermut ataatsimiititaliap aalajangiussaani soorlu kingullertut oqaatigineqartutut Sanaartugassanut Iluarsagassanullu Aningaasaateqarfimmi piaarnerpaamik iluarsaassisoqartariaqaraluarat Ataatsimiititaliaq isumaqarpoq, taamaalilluni Nunatta Karsiata aningaasaataanik pingaarnersiuiueq ukiumoortumik aningaasanut inatsit aqutigalugu annertunerujartuinnartumik pisinnaaqullugu aningaasaliissutinik suliniutinut ataasiakkaanut naammassinninniarnermut atugassiinnermut taarsiullugu. Sanaartugassanulli pilersaarutitut tigussaasunut aningaasaliissutinik nuussinikkut pilersaarutiniit ilimagisamit akikinnerulersimasuniit imaluunniit taamaatiinnarneqarsimasuniit aningaasalersuisoqarsinnaanera tamanna Ataatsimiititaliamit imminermini ajortutut isigineqanngilaq. Tamanna Sanaartugassanut Iluarsagassanullu Aningaasaateqarfiup siunertarisaanut naapertuuppoq. Aningaasaateqarfiulli aningaasaataanik allanngortiterinerit atorlugit aningaasalersuutiginiarneqarnerat ilaatigut sanaartugassanut annertoorujussuarnut atorneqartalerneqat Nunatta Karsiata aningaasaataanik pingaarnersiuinissamik soorlu aallaqqaataani oqaatigineqartutut anguniakkap attatiinnarnissaanut pisariaqartitsinnermut sanilliullugu annertuallaalermat taamaattoq tamanna Ataatsimiititaliamit paasineqarpoq.

Aningaasaliissutit sinneruttui pilersaarutiniit naammassereersunit atuinikiifiusuniit taarsiullugu Nunatta Karsianut konto pingarneq 80.00.10 Sanaartugassanut Iluarsagassanullu Aningaasaliissutit, aqutigalugu utertissinnaasariaqaraluarput. Konto pingarneq taanna piffissami sivitsortumi atorneqarsimanngilaq, tamaanaluni Ataatsimiititaliap isumaanik ersarissumik naqissusiiginnarpoq.

Tamatuma saniatigut aningaasaateqarfimmi iluarsartuussinissaq ukiumut ataatsimut sanaartugassatut pilersaarusanit aningaasaliissutinut, ukiuni arlalinni ingerlasimasunit arlaleriaqaluni allamut nuunniarneqartarsimagaluarnat aammattaaq naqissuserneqarpoq.

(1) Naalakkersuisumut ilaasortap uani suliami Ataatsimiititaliaq periarfissat suut atorlugit

naaperiarsinnaava?

Ineqarnermut, Attaveqaqatigiinnermut kiisalu Angallannermut Naalackersuisoqarfiup oqallisissiaq Naalackersuisunut tunniukkaa ulloq 3. maj 2010, UPA2010/15 Sanaartugassanut Iluarsartuussinissamullu Aningaasaateqarfik pillugu Nalunaarusiap taamaatiinnarneqarnissaanut tunngasoq apeqqutip aappaani akissuteqaammi aammattaaq erserpoq. Naalackersuisunut ilasortap sanaartugassat pillugit nalunaarusiaq ukioq manna saqqummiussinnaasannikkaa apeqqummut akissuteqaat taamatut Aningaasaqarnermut ataatsimiititaliap paasissagunarpaa. Taamaattorli Ataatsimiititaliap Naalackersuisunut ilaasortamut eqqaasitsissutigiumavaa Missingersuusiorneq pillugu Inatsimmi § 24-imi takuneqarsinnaammat ukiumoortumik Sanaartugassanut Iluarsartuussinissamullu Aningaasaateqarfik pillugu Inatsisartunut nalunaarusiortoqartassasoq. Aalajangersakkap taassuma unioqqutinneqarnissa Naalackersuisut kissaatigiguniku tamanna Inatsisartunit pisortatigoortumik taparserneqarnissamik piumasaqaatitaqartariaqassaaq.

- (2) Missingersuusiortarneq pillugu inatsimmi aalajangersakkat isiginiarneqarnissaat qanoq ililluni Naalackersuisunut ilaasortamit qulakkeerniarneqarpa?

Apeqqutip pingajuanni akissuteqaammi aammattaaq erserpoq aningaasaqarnikkut ajornartorsiornerup kingunerisaanik amutsivinnut suliakkiutit annikillinerat unammillernerulernermik taamaalillunilu akigitinneqartut apparnerannik kinguneqarumaartoq. Taamatulli eqqoriaaneq eqquutinngitsoorsimasoq soorlu naluneqanngitsutut ilisimaneqarpoq. Aningaasarliornerup nalaani umiarsualiornissamut neqeroorutininik aallernissaq maannakkorpiaq pissusissamisuumngimmat tamanna soorunami Ataatsimiititaliamit akuersaarneqarpoq. Umiarsualiorfeqarfinnili inissisimanerup nalilerneqarnissaa taamungaannaq eqqoriaanani misissuinerilli aallaavigalugit ingerlanneqartariaqarsimagaluarmat taamaattoq Ataatsimiititaliamit nalilerneqarpoq.

- (3) Naalackersuisoqarfimmi siumut isigisumik kukkusumik naliliinerit taamaattut pisortallu aningaasaataannik annaasaqaataasartut siunissami pinngitsoortinniarlugit sulinerup pitsaassusaata qaffanneqarnissaa pillugu periarfissat suut Naalackersuisumut ilaasortamit isigineqarpat?

Naggataatigullu apeqqutip tallimaanni akissuteqaammi aammattaaq erserpoq nunani allani umiarsualiornernut akigitinneqartut ineriartornerat Kalaallit Nunaanni sanaartugassanut sanilliunneqarsinnaanngitsut. Tassunga atatillugu Naalackersuisunut ilaasortamut Ataatsimiititaliap eqqaasitsissutigissavaa nunaqarfinnut pilersuinnermut Royal Arctic Bygdeservice umiarsuarnik nutaanik pissarsiorluni maanna aallartittoq. Aammattaaq eqqartorneqarsimavoq Royal Arctic Line umiarsuarnik imarpikkoortaatiniq nutaanik pissarsiornissamik isumaliutersuuteqartoq.

- (4) Eqqarsaatigineqarsinnaanerluni RAB-ip kiisalu RAL-ip umiarsuarnut nutaanut aningaasartuutaasa nunani allani umiarsualiornermi akigitinneqartut ineriartornerannit sunnerneqarsinnaasoq?

- (5) Assartuussineq pillugu Isumalioqatigiissitap RAB-ip umiarsuarsiarnera, tak. Aningaasaqarnermut ataatsimiititaliap inassuteqaataa nr. 7 AIS 2010-imut Ataatsimiititaliap pingajussaaneerinninnissamut isumaliutissiissutaa, nalilersortariaqanngikkaluarneraa pillugu Naalackersuisunut ilaasortap isummersuutini eqqarsaatigeqqissinnaaneraniq pissutissaqalersitsissanerluni?

Qulaani apeqqutitut akissuteqaatinik kalaallisut danskisullu naqitanik ulloq kingusinnerpaamik 5. august 2010 tigusaqarnissani Ataatsimiititaliap qinnutigissavaa. Qarasaasiatigut nuutinnera uunga nassiuteqquneqarpoq: nch@ina.gl.

Aningaasaqarnermut ataatsimiititaliaq sinnerlugu

Naaja Nathanielsen
Aningaasaqarnermut ataatsimiititaliamut Siulittaasoq